



Broj: 03/1-50-14-7-11/25

Sarajevo, 27. 11. 2024.

PRIMLJENO:	11-02-2025		
Organizaciona jedinica	Klasifikaciona oznaka	Redni broj	

ČLANOVIMA ZAJEDNIČKE KOMISIJE ZA ODBRANU I SIGURNOST BiH:

JASMINU IMAMOVIĆU, MARINI PENDEŠ, RADOVANU KOVAČEVIĆU, DARKU BABALJU, MILANU DUNOVIĆU, SLAVKU MATIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

Predmet: Informacija o realiziranoj studijskoj posjeti u okviru projekta BIHOS institucijama Kraljevine Nizozemske, Hag, 18 - 22. novembar 2024.

Član Zajedničke komisije za odbranu i sigurnost BiH Milan Dunović učestvovao je u okviru projekta BIHOS u studijskoj posjeti Kraljevini Nizozemskoj. Projekat „BIHOS – Bosna i Hercegovina gradi inkluzivni nadzor nad sigurnošću“ započeo je u januaru 2024. godine i trajat će do juna 2026. godine. Finansiran je sredstvima Ministarstva vanjskih poslova Kraljevine Nizozemske, a u njegovoj realizaciji učestvuju Centar za evropske sigurnosne studije (Groningen, Kraljevina Nizozemska), kao glavni koordinator projekta, te Centar za sigurnosne studije Sarajevo i Evropski defendologija centar iz Banje Luke.

Tokom studijske posjete, u kojoj su učestvovali predstavnici zakonodavne vlasti i državni službenici koji rade u komisijama/odborima za odbranu i sigurnost na svim nivoima vlasti u Bosni i Hercegovini, fokus je bio na specifičnim temama nadzora nad sektorom odbrane i sigurnosti, kao i na razmjeni iskustava tokom posjete nizozemskim državnim institucijama iz sektora odbrane i sigurnosti.

Prvog radnog dana delegacija iz Bosne i Hercegovine posjetila je Ministarstvo pravde i sigurnosti, kao i Ministarstvo odbrane u Vladi Nizozemske, gdje su ih najviši zvaničnici tih ministarstava upoznali s nadležnostima i rezultatima rada u oblasti sigurnosti, borbe protiv organiziranog kriminala, trgovine oružjem, kao i s različitim programima koji se provode u okviru Ministarstva odbrane Nizozemske.

Učesnici studijske posjete drugog radnog dana boravili su u Parlamentu Kraljevine Nizozemske, gdje je održan sastanak s članovima Komisije za odbranu nizozemskog parlamenta, koje je predvodio predsjedavajući Komisije Isa Kahraman. Tom prilikom član Zajedničke komisije Milan Dunović upoznao je članove Komisije za odbranu nizozemskog parlamenta s nadležnostima Zajedničke komisije za odbranu i sigurnost BiH, dobrim praksama u radu Komisije, ukazujući na značaj demokratske kontrole i nadzora u sektorima odbrane i sigurnosti.

Trećeg radnog dana učesnicima je prezentiran rad Ministarstva vanjskih poslova Kraljevine Nizozemske. Fokus je, između ostalog, bio na aktivnostima u koje je uključena Bosna i

Hercegovina, kao što je program MANTRA za Zapadni Balkan koji obuhvata obuku diplomata i državnih službenika.

Predstavnici Državnog revizorskog ureda (sud) Nizozemske upoznali su delegaciju s ulogom revizije u sektoru odbrane i sigurnosti Kraljevine Nizozemske kroz prikaz dobrih praksi u radu Državnog revizorskog ureda (sud) Nizozemske.

Na kraju studijske posjete delegacija je posjetila Ambasadu Bosne i Hercegovine u Hagu. Tokom sastanka ambasador Almir Šahović upoznao je učesnike studijske posjete sa stanjem bilateralnih odnosa između Bosne i Hercegovine i Kraljevine Nizozemske, kao i o mogućnostima unapređenja saradnje na planu ekonomije, obrazovanja, kulture i drugih sadržaja.

Član Zajedničke komisije

Mirjal Đunović